

四庫全書

集部

欽定四庫全書

丹陽集卷二十

宋 葛勝仲 撰

七言律詩

將至襄陵二首

西風寥栗不須悲  
雲日輕明政自奇  
遠岸綠飄梧槭槭  
疎林紅露棗離離  
味迴新醕愁眉破  
涼入單紉病骨知  
試問夜牕燈火讀  
何知蚊蚋撲緣時

千里崑崙一月風  
乘流初不恨途窮  
南陔就養晨昏樂

東榻忘懷笑語同牛酒故應推汴上鱸蓴那復念吳中  
明朝繫纜襄陵驛試上高原望鬱葱

君山飯僧薦考妣元述示詩次其韻

負郭簷楹古道場山形連接楚人黃

原注君山與黃山接

千尋寶

剎留幡影萬里滄波對練光問膳香蘭無復日霑襟青  
血自成行才收英器還遵路三昧高僧笑我忙

次韻敦仁教授述懷

十載文華蓋衆英州庠微祿代躬耕半生甘為方穿礙

此假那因曲木驚折角談經於道勝低簪下匕以身輕  
兩朝大典資編削莫向西風厭宦情

近蒙夏蒙夫

之文

教授用贈太守韻見貽輒復

和荅

百家六藝日披吟問學淵源已造深舊直蓬山無俗夢  
今官槐市有清陰公餘綠綺乘閒撫客退黃庭每自臨  
官冷定知塵滿甑誰人果飯慰愁霖

伏蒙達之學諭以詩寵眷生日次韻酬謝

窮通誰復問東龜材命由來畧可推去惡敢言除畝薤  
律貪聊慕拔園葵百年永悼懸弧日一顧垂當解印時  
詩句清新褒借甚却嫌無當玉為卮

段去塵教授示書以茶菊自况作詩謝之

高標落落敢評題託物銓量庶似之娛客精神真北苑  
可人風味劇東籬雲腴鬪早驚先出霜蘂禁寒屬後期  
便欲相稱為二陸居然桑苧與天隨

旬休延聖院納涼周澶州招飲呈德升詩二首

年來形迹苦西東邂逅招提一笑同  
世事休論癡黠半  
物情都在聖賢中  
地靈蒸鬱疑無著  
友勝喧囂自不通  
借與方床寬六尺  
道人知有竹間風

講席朝來得暫停  
藍輿同入法王城  
清壺照座三棱瑩  
小扇搖風六角輕  
方罍共爭棋上劫  
頑盆更酌酒中兵  
佳賓更賴王思遠  
霜氣能令暑氣清

元巳日王循德

孝建

招飲方池宏道兄有詩奉

和以紀一時之事

浮爽清波正日遲出郊修禊屬芳時幸陪飛觀朋簪盍

未覩華堂舞袖傲

原注宏道兄有舞者甚麗未之見也

命中已于三耦見

爭雄仍何一枰知愛君多藝能傾坐豈但流觴記逸詩

伯兄以家園亭名書壁間因作

壁間亭榜記家林獨住雲泉宿昔心千里故園應好在  
十年羈官阻登臨鍾儀長自操南語莊舄何曾忘越吟  
松菊未荒歸有約不知富貴定誰淫

伯父致政通直取謝靈運詩句作蕭散堂賦詩

次和寄二首

神武門高早掛冠首嗟榮路久淹蟠詩辭故故推靈運  
禪語時時對道安書字不誇雲五朵卧閒偏怯日三竿  
遐齡清德全真樂誰識榮期善自寬

青雲誰羨猛飛翰解組歸來分屈蟠唯以道腴從已味  
肯將心法逐人安林迷曉嶂雲千疊舟漾春塘水半竿  
退隱州間名愈重坐令鄙薄化敦寬

賀十八叔父及孀氏受恩封



聖渥便蕃獎義方靈椿雙壽慶華堂品開京秩紆藍綬告錫脂田闕錦囊家世百年逢盛事庭闈一日拜恩光列封更及諸郎貴祿益交迎福熾昌

和堯卿兄喜孝卿兄登科

興賢賜第集英春勸學應從孟母隣黃甲科名新赫奕青雲岐路肯因循暴鰥昔恨登龍晚飲羽今驚中鵠親雲陞開陳三道要寧容舉首屬他人

堯卿兄改官陞朝作詩紀賀三首

交親衮衮上青雲冷局辛勤自奮身玉陛臚傳瞻覲久  
金閨通籍寵光新功名此去未為晚富貴儻來那有因  
預喜郊封榮禰廟弟兄同列拜恩綸

冷不遷官似子雲但知謀道不謀身文高書局恩華舊  
秩改朝班慶自新此去功名應自致從來力命固相因  
榮塗萬里通無礙峻陟行看奉帝綸

引對天墀獲望雲固知儒學不孤身均輸它局交論薦  
元會登朝正履新夕秀共誇披未振夜光那復困無因

持荷入侍從茲始龜紫應早五兩綸

次韻堯卿兄詩酒中興三首

可惜虛行淮汴路不憂無繼是已牋任貧任病須歡伯  
更拙更慵猶短篇好拉嘉賓傾若下剩鉤華藻染由拳  
離羣他日垂觴詠馬腹何因更及鞭

舟行詩酒兩相牽豈暇觀書理廢牋金槥興闌多半醉  
錦囊才亂罕終篇吟哦有味增閒適酩酊忘形謝曲拳  
年大此鄉疑可老官塗羞鬻賈人鞭

耻向權門事鞞板，懶於驛路奏書牋。  
芳醪不厭三千釀，嘉頌時為十二篇。  
吟裏情懷清似洗，醉中身世小如拳。  
伯倫子美真豪逸，風味平生願執鞭。

奕棊有進，勸工部兄召客。

索居湖海欲忘憂，瓜葛相呼事弈秋。  
方罫互贏多有進，圓盆更酌早為謀。  
格高誰是州中正，米賤休沽縣督郵。  
及取春光尚堪賞，莫辭醉倒更扶頭。

次韻韓景賢承議自金陵沿檄宣歙道中見貽

二首

循牒騰裝冒苦寒傷離愁思定應寬  
剗煩獄市才稱健  
奔命郵亭歲欲闌赤米素鹽厨寂寂  
清泉白石路漫漫  
到家尺一應催召聞說知音正執桓

搖毫傾刻便成章弱冠名標桂籍香  
倉氏官閒聊自喜  
荊州望重豈能方高談不辨連三日  
敏識空驚下五行  
留落更煩勤慰諭誰知寵辱漸能忘

五月望日會食普滿院夜歸作詩二首呈文中

縣丞玉老禪師江敷王或

懷冰高韻暑天寒  
况有波瀾在筆端  
可但風流稱不墜  
故應哺啜亦堪觀  
坐曹行赴陳蕃榻  
待成方彈貢禹冠  
戒食每煩臨蔔瓠  
慙無斗酒鹿盈枰

簿書填委我何堪  
茶串攜尋井水甘  
幻境豈能喻十十  
禪機聊喜契三三  
竹風敲玉清音迴  
荷雨跳珠綠影涵

檀施敢夸蒲塞饌  
欲因盧至戒慳貪

原注是日  
續盧至經

二十四日葉氏林亭燕集成句呈文中縣丞

執熱何從避火雲山居岑寂背城闌昂霄木老清陰厚  
鉞水秧齊翠剡新鮮熟慣醒虞匠酒扇輕堪障庾公塵  
涼飈拂袵容吾共自意無懷以上人

葉佐卿

隆

見和復次韻答之

扇上閒題隴首雲揚風攜過海寧闌于飛鷺識觀光早  
前列龜看入貢新會見文辭驚乙覽莫嫌衣袂點京塵  
昇平樓下臚傳日共指中朝第一人

和少蘊石林谷草堂三首

寵辱循環厭官情蓋頭茅屋手親營清泉橫道疑滋穴  
翠袖圍居似化城不擬身名炫俱泰且圖心跡遂雙清  
半庵閒地如容我便足徜徉了一生

雲峯帶竹似伊川山溜甘于九隴泉離世未應多怨誹  
葆真聊自樂虛緣漫郎擬酌窪樽酒逋客慙馳驛路烟  
敢請著書詳勝致千秋萬歲遣人傳

妙年涉筆賦城蕪歲晚無歌擊唾壺曾是北扉稱內相

却來東嶺伴寒儒

原注石林谷近朱氏兄弟

閒來真隱編成傳靜取



飛仙貌作圖豪氣年來除已盡元龍雅意卧江湖

呈去非

嗣宗曠達早相逢更喜林間識仲容  
林萼集中陪唱和幽棲谷畔許過從  
雲飛隴首高情遠楓落吳江好句重  
梁棟他年知有用齋前楚楚一株松

婺源祁門二令母年八十求為保官注家便闕  
慨然慕之作詩二首自悼

庭闈無復薦芳羶烏烏哀情每泫然  
游子但吟春草句

門人欲廢蓼莪篇風枝數效臯魚泣水菽難攀子路賢  
空羨鄰封二佳令兒啼八十壽親前

迎養京都突未黔蒼黃荼毒血霑襟百年過隙知難復  
三釜纏哀政自深不為鱸蓴歸亦好獨甘羊棗果何心  
寄言世上斑衣子溫清應須競寸陰

周文之

彥質

運使巡按海寧追憶曩歲與伯仲

同奉板輿之樂感慨賦詩不惟辭藻格力清蔚  
高邁且足以敦孝悌而厚風俗昔夏侯湛作詩

示潘岳曰此文非徒溫雅乃別見孝悌之性因  
次韻和二首

褰帷巖邑特從容憶惜鵲原會一同樂孺共營蘭薦膳  
劬勞爭報棘吹風繡衣握節新恩重綵服承顏往事空  
三紀光陰真揮羽依然小市夕陽中

披雲初獲接音容賢勝風規自不同懔懔威明將使指  
恂恂孝悌訓民風競傳清唱紙騰貴爭識皇華巷欲空  
尚有壁間真墨彩匣藏留在給園中

贈覺僧首

并序

建初寺如覺道人禪學高深護戒不墮讀書工文尤精於三篆有照齋集行於江左為僧首累年即求退在勢者檄住慧滿禪院亦辭不就道俗皆尊鄉之某到官時春秋七十有三矣獨少重聽而精明不衰連枉詩文皆清麗可喜殆當與靈徹浩初輩抗衡黑衣中未易得也因為二詩以贈

道貌堂堂老不矜  
照齋佚閣送居諸  
斷常不著安禪後

尋伺皆空入定餘，護戒獨持螺畫行。  
緇經時作鹿輪書，山城為令真非惡。  
更喜游從得浩初。

上堂慵算海邊沙，分衛寧甘向七家。  
篆筆頗疑傳棗木，

方袍不羨賜蘭芽。名高白社推尊宿，才比紅樓更麗華。

連枉清篇洗塵滓，緘藏留與里人誇。

原注唐廣宣上人  
以詩應制詔令住

安國寺紅樓院專以詩供奉樂天贈詩  
云紅樓許住清銀鑰翠輦陪行踏玉墀

### 靜林寺

妙行堂前踈碧鮮，壺中軒外疊巔岏。  
山門靜對清油澗，

佛閣寬圍碧玉寒蠟屐喜隨談理客饋漿驚見字民官  
開山老侃留遺像試問何如釋道安

次韻工部兄除夕見寄三首

異縣飄流十載窮年華又見轉和風春遊已陟驚梅白  
夜集猶疑共燭紅藍尾方嗟形影隔蒼頭俄喜信音通

麥秋時節搖歸棹禪榻相從話苦空

原注除夕獨坐縣齋偶記香山居士

隱几詩云行年三十九歲莫日斜時方寸如死灰寂然  
無所知老杜守歲詩云四十明朝過飛騰暮景斜誰能  
更拘束爛醉是生涯因成長句二首呈  
本器是歲予年數三十九是日持六齋

霜毛垂領病摧頽  
歲晚流年四秩催  
一自貶官瞻日遠  
兩經除夕歎星回  
梅吹畫角餘寒盡  
柏欲飛觴暖律來  
歲暮日斜還隱几  
心同白傅守寒灰

江城流落歲還新  
懶作雕蟲問大鈞  
月盡嘉平餘景刻  
年侵彊仕尚沉淪  
晚持禪悅惟三白  
曉簇春盤又五辛  
肯把生涯供爛醉  
黎明學不動心人

維心以詩送花果裁次韻

奉乞花栽旋旋移  
退師老圃自安時  
新菱應待天陽發

生意先從地脉知，異縣聊尋郭駝傳。他年敢忘角弓詩，  
庭柯只作怡顏具。肯比侯封逐利宜。

送胡彥師職方迎親赴闕二首

詞華標韻出鄒枚，要路飛翔見軼材。編削終篇辭右府，  
表延飛詔入中臺。碑刊棠萼如敦實，衣曳荆蘭似老萊。  
五兩風輕清坂路，迎船魚笋助南陔。

簪筆文昌作望郎，暫拋台史護衣香。攜辭曾是金聲獎，  
程奏親逢玉色康。祿洎千鍾榮滌澗，圖分九服職封疆。



到都右袞如相問為說飄流鬢已霜

侍讀官程伯禹以賜茶寄汪敦仁

處厚

教授蒙

惠四勝以詩紀謝

講罷清陰轉綠槐露芽珍賜下銀臺品高迥壓仙人掌  
味絕堪名瑞草魁分貺雖從稽古出看題知自邇英來  
晴牕碾試供詩社先聽聲轟萬壑雷

次韻宏道遊三官院園時余往辟廂不果往

晚攜勝友共揚鑣應厭家鬟捻紫簫逮得暇時能有幾

每逢佳處且相邀  
大夫高挹髯龍操  
公子閒窺白鴈標  
獨恨抗塵乖寄賞  
偶飛輕蓋四門橋

詠槐

蔽日千霄過百圍  
龍蛇夭矯半天垂  
蟠根不老應千載  
合抱橫分見九枝  
學市濃陰能幾許  
公庭轉影不多時  
那知山谷無斤斧  
坐與冥靈結後期

鄧子文

裳

辭曹枉道相過且出往還詩見示次

韻二篇上呈

區區蘇李未應師句法中涵屈宋姿華貫即今方慎東  
異材如此會深知飄飄氣概輕餘子凜凜規摹擴大兒  
老厭交游翻覆手欲於士遜結心期

獨學離羣政自傷寵臨何幸不遺忘莫嗟黃繖稽掀擢  
行看青冥指忽荒好問徒知積難跖登塗曾不倦羊腸  
衡州言語高天下秀拔如君實肯堂

次韻正臣朝議見寄二首

解組歸來遯里門慶源貽後繼臧孫幽尋此日扶鳩杖

榮遇當年駕鹿轡高義共夸賢者出廉風端遣薄夫敦  
紫壇熙事專優老盼筐行看下九閭

儒學推稱第一流乞言堪入告嘉猷長閒氣味安三徑  
難老光陰傲十洲談理清風生玉塵覆名殊寵謝金甌  
方瞳大隱年兄弟營道應居最上樓

次韻荅王聲見贈

平生未分作臞仙抵枘英豪不直錢効智連年居定鼎  
策勲何日上凌煙高情獨寄猗蘭操壯志應存寶劍篇

途轍懸知騰上速請看火色映鳶肩

和目疾韻

幻翳乘虛近漆瞳輕雲蔽月有無中廢書暫阻讎三豕  
妨射何因落兩鴻慧眼小清知吉夢藥師經驗表奇功  
疾平豈但開巖電反照觀身覺內通

幽居書懷六首

材疎出仕久知難境勝謀居自考繁反抱闕為知道在  
賴閒處著得身安離騷每句醉中讀周易仍于病裏看

萬頃煙波時擊汰  
泚泚籊籊弄晴竿

環堵翛然一畝寬  
更無塵霧苦相干  
森森佳樹木奴實  
湛湛清池地鏡寒  
三益時瞻玉界尺  
一杯何用肉臺盤  
官閒坐享無功祿  
更恐風人刺伐檀

觀名計利了非真  
何似江湖習隱淪  
戶小但期茶當酒  
家貧那有蠟充薪  
五花自喜風翻簾  
一角人看雨墊巾  
上界神僊多護短  
不辭長作葛天民

不識癰疽與瘡環  
柴門雖設自常關  
木雞養就都無累

芻狗陳來分合閒聊復讀書牛背上誰能橫槊馬蹄閒  
子亭結築臨溪面瓢飲新來待學顏

我貴從教知我希靜觀物化養天機名呼池面游魚狎  
縷繁梁間舊燕飛安石困應存遠志姜維那遽覓當歸  
人生安樂他何卹悵望鄉枌與願違

清時鴛鴦正充庭何事抽簪喜退耕百步穿楊防偶蹶  
一卮賞畫保先成獼皮冠小隨時用猪鼻車低取意行  
官柳野梅春意動莫教詩酒負平生

謝太守惠茶

林亭凍卉未芳華已享先春正焙芽  
活火急呼湯餅客緘囊來自使君家  
破看鮮馥欺瑤草煮驗漂浮漾棗花  
不預頭綱評四品恍驚流落滯天涯

新茶

壑源苞貢及春分玉食分甘賜舊勲  
水厄陽侯宜避席天隨陸子合同羣  
珍同內府新蒼壁味壓元豐小喬雲  
便請加邊先果腹鶯無留掌鼈添裙



謝通判惠茶用前韻

色味新香各十分可無桑苧與書熏  
打門贈我令呼客好事知君最出羣  
飲罷清風引仙闕睡餘妖夢破朝雲  
貧無列屋纖纖手捧盃齊眉但布裙

次韻郭大夫

昌朝

見寄

泗上頻蒙訪寓公十年乖隔馬牛風  
誰知邁往青雲士尚寄哀遲白髮翁  
浮食即今尸靖館育材當日謾儒宮  
寄聲有道勞虛獎宴簞方安鼠技窮

中秋夜宿舞陽精舍

居心純靜眼無塵此夜清光徧廣輪  
垂隔謾嗟千里共  
澄明還是一年新已拋世外無窮事  
獨喜尊前見在身  
却憶帝城通夕看清歌百闕會三人

二月三日遊風穴白雲寺呈通判二首

世傳三穴起長風此理誠難識  
所從覺性未能參七祖

原注寺有唐高僧塔號七祖禪師

禪扃聊欲訪千峯

原注寺碑隋大業中號千峯寺桃溪

遡日紅霞爛麥隴  
酣春翠浪濃  
簿領回回清興少乍尋

巖壑媿塵容

秀野班春過梵宮  
賢僚况復肯相從  
風緣禦寇來幽穴  
雲為淵明出遠峯  
柳色直將波共綠  
花光疑與酒爭濃  
一庵此境堪肥遁  
寄語山靈幸見容

四桂坊

并引

燉煌令狐吉先首以文藝第進士其季茂之壽域子  
建皆繼登科並時顯仕為冕綬盛家余為汝州榜其  
坊曰四桂豈獨寵門閥之懿且以勸來者

藥榜連年詔墨黃  
聯翩恩綬月中香  
家聲舊踵三槐位  
儒學今標四桂坊  
酬唱共傳花萼集  
笑談應聚德星堂  
門同列戟知非晚  
更遣鄉評服義方

吾家故事子姪登第必有酬獻詩什去歲立悌  
立經二姪並中科選未有慶以詩者偶示四韻

充閭秀氣我家多  
又喜雙龍並化梭  
同榜連榮追紹聖

原注予與伯兄大成  
同中紹聖四年第

傳名躋甲首宣和

原注順之權之  
并蒙恩升甲吾

家前朝班鳴玉猶陞舍

原注順之為奉禮郎以  
國子上舍生試入等

冠歲橫

金又中科

原注權之中科  
日已服紫錫帶

四葉登華誰得似會看盛事

入編摩

次韻覺心道人游郡園

牢落踰年坐斗州  
窺園逢勝輒遲留  
招邀風月千章木  
收拾峯巒百尺樓  
雲葉悠揚疑獨鶴  
浪花浮動想飢鷗  
道人知被烟霞鉤  
當是空門第一流

留二季父二首

敢向明時歎滯淹  
得官迎養富魚鹽  
百年永抱雙親恨

五斗猶欣二父霑壽耄名應書綠字康寧藥不待青黏  
虛堂梧竹饒幽趣正好端居養智恬

羈官栖栖易感懷一秋聊得病顏開幸蒙南巷攜家至  
更喜東床自遠來鵠髮二翁頻撰屨鵠原羣從共銜杯  
家山莫便懷中隱風月躋攀更幾回

原注郡有清  
風樓明月觀

和若拙弟說汝州可居已約卜一丘韻

汝海膏腴人共說封疆況是接同州指囷待惠知無日  
負米躬耕會有秋林下要須三徑足橐中更莫一錢留

餘抄雲子當同飽官職來遲且自休

次韻陸崑老祠部見寄五首

山城岑寂偶分麾聊欲藏瘝一再期豈有聲華如所譽  
得非朋舊猥相欺久欽黃髮嘉猷壯初喜青天宿霧披  
尚恨忽忽還執別不容重醉習家池

遶郭芙蓉十里城畫橋煙水接東瀛蘋洲倒照蒼山影  
花瀨遙聞白苧聲問舍求田應犯慮浮家泛宅未忘情  
催科拙似陽公考敢覬屏風錄姓名

溪南溪北梵王宮  
踴蹕亭亭聳半空  
紅韎鞞沉山帶日  
碧琉璃淨水無風  
雲迷翠閣參差見  
舟舫朱橋繚繞通  
泚筆憑誰寫東絹  
盡將煙景薦重瞳

詞場弱歲以文鳴  
落落寒松見老成  
劇郡神君頻結課  
中台郎位早飛聲  
當年威令千人廢  
此日精神一座傾  
欲試閒窻鴻筆健  
春容詩軸燦瓊英

鏡中雙鬢未全華  
退隱林泉意緒嘉  
春圃帶煙鋤徑草  
夜燈和雨看簷花  
神能自衛同千越  
老更知塗似渥洼



文注五河初不竭從來惟屬士衡家

次韻何總管等慈寺詩二首

寺門修竹映長楸景似江村事事幽山疊青螺雲遶屋  
月升紫磨水明樓夢中他日應知路天上從今與寄愁  
競病將軍功已就却將高興賦滄州

古寺蕭清汝水湄寓公仍有庾征西機輪宛轉春寒磴  
浮綫縈紆漾小溪入定僧閒多却掃深春人去自成蹊  
一杯相屬知何日成事因須共到齊

伯氏喪歸有日遣立方祭奠

靈輻東下啟銘旌羈宦惻惻逗楚城遣奠聊憑貽厥力  
銜哀遙致友于情虎闈典教曾同遇鴈塔書名亦並榮  
齒脫髮稀吾老矣可堪回首望前楹

次韻景純將赴襄陽眷戀里第

枳棘棲鸞豈所宜鹽車服驥暫韁轡少而好學書饒讀  
壯不貪榮譽自歸重去故山拋小隱懶趨名路觸危機  
寄言漢廣徜徉者聊賞風光且莫違

蒙若拙寵次陳敏彥 振 韻三和

彤墀日覲赤霜袍何苦懷歸問大刀吳坂未逢驚驤裏  
豐城行見拭豪曹廟堂仄席方求助筦庫飛芻莫諱勞  
即向詞垣摘外翰當年仙桂幾枝高

寺居岑寂近方袍貧舍分瓜每借刀隸事舊聞輕叔寶  
讀書今却笑教曹珍姿渾厚韜和璞利刃堅剛敵孟勞  
桂樹獨生千仞表太丘家世顯名高

韶顏祕殿賜恩袍白首山城始夢刀竹塢有詩緣二妙

棠陰無訟賴諸曹  
消閒不廢持螯飲  
結課曾微汗馬勞  
更擬松江理煙艇  
如歸亭上踵三高

次韻宋景純寄陳去非昆仲

雲臺獻納媿先賢  
端合塵迷簿領閒  
政似陽城惟下下  
文如祖詠只班班  
著書大似屋中屋  
擇祿甘從山上山  
揣分量材宜置散  
敢於造物怨偏慳

叔父承事用先公舊韻作詩次韻和呈

西笑惟攜插架書  
雍容車騎不求都  
觀光鳳闕前蹤在

寄恨鵲原往事徂喜見教忠躋顯仕勉從迎養涉修途  
新詩清婉追棠棣樂孺當年共究圖

和元方寄若拙弟託覓顏淵之五十畝韻

下田彌望股清流謀食誰言必本州且復種秔資口腹  
早知籍稻載春秋攜家便可隨豐儉仕國從今委去留  
饘粥粗供吾事濟寸心安靜得休休

蒙若拙見和復次韻

逸氣軒軒蓋搢紳後來之秀子其人文如范曄無空設

學似揚雄已大醇記問五花能奪簞風標一角共傳巾  
怪來吐句皆清警胃次應無庾亮塵

伏蒙孝立朝請同年赴九日燕集翌日以佳篇

須酒謹依韻上謝

新稻翻匙羹芋魁慙慙重客肯相陪醉歸已徹重城漏  
睡起應尋十日杯欲得杜康連榼至

原注選詩以杜康為酒名

因令

毛穎寄辭來扶頭往餉宜頻酌更喜輸租罷與催

邇日詩卷承若拙編為小集見示且有詩因

次韻

驪珠魚目兩無遺  
卷袞深煩為析釐  
賦詠麤疎慙短筆  
原注賡酬刻畫賴連枝  
似聞警策耽佳句  
何用編摩載自謂  
惡詩敢請冠篇重  
作序二難文采勝  
延之

次韻景純後園宴集

攜裝過我路漫漫  
聊命杯鐙為禦寒  
漏月竹疎憐影碎  
干霄楸老見根蟠  
城頭飛屐千峯迥  
樓角憑欄六幕寬  
尚欲相留過殘臘  
小園佳致雪中看

景純到汝數日遽求別僕固不敢留客然宋伯

舉軒為兄蘇勤道

大寧

為婦之兄遽見去似非

人情輒賦是詩率二僚留之

奉留高客敢同黃恃有親親與鴈行樂孺誠宜賦棠棣  
盤桓何畏嗇檳榔敬通叔達無爭論法護僧彌各擅長  
二義周官如問得且看姜被莫騰裝

懋南博士暫出迴邑以盛藻見觀謹依韻奉和

二首



五十之年歲又開  
劾歸不勇尚徘徊  
家徒四壁謝金埒  
第乏一區慙玉杯  
彊欲安心師達磨  
懶談真我類投灰  
吾僚輕作經時別  
猶喜民謡挽得回

公退蕭閒閑息深  
從來縣譜用山陰  
威稜少霽髯垂几  
才韻頻將筆捶琴  
取急卧家聊小憇  
捧符還郡却幽尋  
風流若把名香擬  
堪作盈斤百和沉

提宮工部凡攜家見過輒成律詩二首上呈

剝啄欣聞夜叩關  
相迎一笑解愁顏  
枉帆雖落十人後

原注某到官蒙兄弟見訪者已踰十人矣謂少川才孺道鄉友鄉子可紹疎達卿衛卿達可夢錫過飯

今成五郡間

原注某官守五郡並蒙兄見顧謂錢塘東魯漣水汝海及今雪川

自役其

身慙鞅掌無求于世羨蕭閒何如赴隴從招隱却遣幽

叢問小山

相逢雖幸慰睽離憂患仍年觸境悲琴與俱亡念同氣

原注謂長兄大成

缶猶難擊愴齊眉筋駑肉緩奔名懶意廣才

疎見事遲只待歸資堪問舍一封投劾去追隨

福國諱日壽寧院作呈工部兄

一官隨牒浪推移不到名山二十期  
踴麕獨存煨燼日  
布金重見昂新時舊遊已起人琴恨  
原注頃歲屢陪光祿兄遊  
還增奩鏡悲賴是一般官拓落林泉深處得追隨

近闕祿隱軒建瓢飲亭季父以詩寄題和韻

稚節爭名翰墨場中年習隱水雲鄉  
遭時有幸常溫飽  
濟世無能分退藏山色不於羈客秘  
日華端為散人長  
身閒却笑東方朔避世金門傲武皇

次韻景純見寄叙相從之樂

許昌舊姓有文儒得得西來過燕居訪我肯題門有鳳  
館君深媿食無魚鄣泥難為清遊惜便面頻將好句書  
尚遣雅才淹簿領好賢誰賦衛干旟

奉酌景純道中見寄之什

慙無才望照簪紳剖竹藩房誤長人堪笑為官常拓落  
獨知取友愛真醇吏休時著煎茶帽客去今閒漉酒巾  
曷日清揚重會面劃開河漢滌心塵

友卿寄謝并月波酒和其韻

長鬚剥啄叩柴扃，令弟官清遠。寄聲摘句已欣資，藝圃  
漱醪兼賴破。愁城牽絲聞說恢，材力露板應連上。姓名  
猶憶具區分，袂處孤帆一點愴。離情

原注：昨赴南陽友  
卿至震澤相餞。

次韻叔才幽居二首

世塗艱險動難諧，學士深居但栢齋。紫翠當門流水過，  
碧鮮遮檻好風懷。角巾家巷便高枕，手板公廷厭沒堦。  
天地百年真逆旅，誰能巧宦役筋骸。

龐才獲落與時乖，湖海幽居一竹齋。月徑清遊疑不夜，

風窻高趣到無懷身閒有分白蓮社地禁無心紅藥堦  
只待匡廬官秩滿一章程秦乞殘骸

次韻工部兄見寄三首

影落邛溝是我家端來吳地寄生涯蝸廬困卧身何擇  
蝶夢時歸路不遐幽徑任荒陶令菊閒門聊蔣邵侯瓜  
西還約醉中秋月屈指同襟尚阻賒

文采清華自一家行身所到詎能涯學該古昔仍知要  
識造高明豈不遐英晤早明當道李勤書頻事鎮心瓜

似聞憂國頭今白  
法會無錢想尚賒


朱門十萬一貧家  
鼓枻西歸悵未涯  
數米稱薪嗟隱約  
望雲臨水負幽遐  
清音且聽雉登木  
曲路任從蠅集瓜  
午飯蕭然無膾鯉  
須知滋味已能賒

次韻叔才以詩卷見還有作

委巷歌謠媿斐狂  
雷門布鼓背生芒  
鳳毛忽爾驚懸磬  
魚目真能引夜光  
義重肯為流俗變  
意勤仍以古風將  
怪來巾笥多珍玩  
獲奉英游已五霜

昌化紫霄閣次長老仲希賦

溪山佳處不須招未到心旌每動搖漸喜田園挽陶令  
敢將筆硯伏君苗黑雲含雨迷江館白鳥衝煙映市橋  
回首海寧驚謫夢挽舟猶記笏垂腰







欽定四庫全書

集部  
丹陽集卷二十一

詳校官庶吉士<sub>臣</sub>張溥

侍讀<sub>臣</sub>孫球覆勘

謄錄監生<sub>臣</sub>范維城

欽定四庫全書

丹陽集卷二十一

宋 葛勝仲 撰

七言律詩

去南陽有日書懷二首

奠食無勞合退休君恩誤付百花洲  
未溫坐席已當去  
偶帶泥封得少留  
官意正如彊弩末  
歸心先問大刀頭  
畧無涓滴蘇民隱  
空使閭閻說舊侯

離吳州好冠西畿  
左竹纔交賦式微  
雲嶽遐觀空杳靄

春郊細履負芳菲  
薄遊頗似桑三宿  
重到誰驚柳十圍  
諾畫諸僚皆府望  
不容坐嘯久焉依

郡齋書懷

暫擺塵勞坐燕居  
野人偏與世情疎  
馬牛價雜慵鉤距  
鳬鷺行多厭簿書  
同醉徑須邀綠竹  
盜香無復念紅蕖  
不持黃卷來遮眼  
可惜炎天化日舒

南陽諸僚和留別詩再和二首

王事勤勞得少休  
全家喜復入汀洲  
懶於榮路占淹速

尚有浮生任去留名譽未須驚谷口功名終亦困壺頭  
歸棲擬種千竿竹便與題為瀟灑侯

十連名郡近天畿負重懸知困力微閒客已知無嘯諾  
鄰邦聊得看芳菲謀身舊似齊優拙罹咎今同魯酒圍  
回首雋遊難戀嫪索居獨學果疇依

還鄉有作二首

菊潭才到便歸休年大何心泣楚囚南嶽獻譏無反覆  
東臯舒嘯有朋儔龜靈自古稱懷浦狐老從來只首丘

便覺謳吟罷莊舄翛然隨俗且沈浮

孑孑攜家反故園尚霑榮祿愧空飡官閒未辦夸腰組  
車過常先下里門塗巷依然榆社舊屋廬猶喜枳籬存  
浮生孰似還鄉樂馨歎吾前盡弟兄

里中無居寓丹陽縣書懷呈邑宰張子蒙

假守秦頭兩月彊往來遵路一年忙幸逢底邑人惟舊

暫脫浮家計亦良退食井腴如就國

原注某見封丹陽子

遙尋祖

系似還鄉

原注葛稚川丹陽人

南風未便輕蓬華也與虛窗拂衽

涼

戲書

木彊與世異酸醎掃灑真祠屢入銜  
新格似聞惟半俸舊官那計是常  
參茶爐僧鉢隨時用手板朝衫竟  
月緘賴有班書貧可貼且謀蒲筍  
慰飢饒

依韻和工部兄尋由里山泉眼

葛帔練裙一散仙親攜畚鍤道  
蒙泉濫觴初見開微溜中準終能  
作止淵棲畝稻秧滋葦葦入池藕  
葉泛田田

道人跣步不知處未遇高賢名孰傳

依韻和工部兄雪五首

風撼柴門夜不關黎明瓊玉徧人寰  
舉頭寒掩東隅日縱目高疑西域山  
朝路昔曾飄袂上禪房今喜點爐間  
亦知塵霧難撓拂萬徑行蹤絕往還

排寒聊與酒交關呈瑞應先自帝宸初見同  
雲迷六幕漸驚飛鳥絕千山知酌素景風塵外  
坐隔清遊咫尺間飛灑卻羞來傍鬢安仁年少  
不重還



從此何憂家事關  
明年粒米厭區寰  
腰青不見飛花女  
頭白先看對面山  
絃凍未應停綠綺  
膠彊仍喜轂黃間  
平鋪萬頃茅簷冷  
欲問城居幾日還

門似柴桑畫亦關  
欵驚閭闔墮人寰  
郊原那異熬波海  
隴阜渾疑聚米山  
望遠恨無樓百尺  
逃寒阻共屋三間  
阿兄詩句清奇甚  
格律都高漢以還

偶茲窮臘憩鄉關  
無蒂花飛遍海寰  
粉飾門闌疑省戶  
雲屯觀闕想神山  
飄狂不絕三冬裏  
積厚遙追二紀間

原注鄉中二十五年無此雪

聞說旗亭增酒價沈酣準擬典衣還

菁山梅花盛開予獨未之知十一月二十二日

周元舉察院餉數枝以詩三首為謝

香雪常開小雪天孤芳今占六花前欲從玉女互爭秀

不分青腰誇擅權見事自知秦相緩著鞭甘被祖生先

左轡不要宜春郡應戀南枝映水鮮

原注元舉被袁州之命力辭不赴

冬早寒輕測測天疎枝明秀忽來前土酥結色神仙種

冰麝分香造化權三白共驚千樹發一年都占百花先

巡簷索與冰姿笑準擬攜壺更擊鮮

山頭雲物凍吳天幾樹寒英喚我前老不禁愁聊索笑  
病方止酒暫從權松篁傲雪堪為伴桃李酣春未敢先  
習隱菁山真不惡吟鞍十里看芳鮮

次韻耿守咏雪

低雲曖曖與天同剪水飛空候應冬沴氣潛消煩變理  
歡謠藹布荷明農漾舟訪友乘清興授簡延賓繼舊蹤  
歲好定知豐五稼倉箱行慶畝收鍾

景山寺居大風步月

溪邊空谷偶來逃散步虛廊破鬱陶庭戶月華封玉雪  
林巒風響洶波濤氣寒秋盡衣裳薄夜靜山深殿閣高  
欲識羈懷愁幾許明朝攬鏡看霜毛

十二月十日泛舟以北風寒回棹

雲山冬瘦露精神整棹溪邊試問津懸坎帶坻冰積厚  
緣費冒棟雪飛頻出乘舴艋為龜手歸卧蝸牛分曲身  
已覺烏蟾不能活陽熙早晚定回春

正月二十六日雪後登子亭示道祖

淑景因陰苦未韶，峭寒於老不相饒。  
竊香風韻歸梅萼，刻楮工夫到柳條。  
萬瓦雪消疑夜雨，一溪波漲誤春潮。  
連枝別後兒曹遠，賴有吾人慰寂寥。

贈講華嚴惠照大師

松陵講舌看瀾翻，滯論冰消瞬息間。  
覺性已明華藏海，退身聊遁莫釐山。  
識真久認魚筌假，處靜因求麈尾閒。  
我是殊庭仙隱吏，二年雲水共躋攀。

贈深老

折床學子厭如雲  
卷席歸棲震澤濱  
識了大千俱是幻  
理窮餘二即非真  
已辭白社拘方侶  
更笑紅樓應制人  
弟子安心安已竟  
不知若个是迷津

贈福勝院老僧有宣

諸方行盡已忘筌  
宴坐歸來水石邊  
五葉承來真的嗣  
七朝閱過到耆年  
鸞音袞袞間猶振  
鶴骨昂昂高更堅  
我特叩門來問道  
投針相值恐前緣

春日野步二首

一年春好是清明萬事都歸笑矣行  
卯色天容供遠興  
縠紋波面愜閒情  
門生陪從無參佐  
野服徜徉東珮纓  
午困乞漿先饋少  
已無形夢不須驚

一春連雨少清明  
曳杖郊垞偶意行  
嫵媚花枝空濺淚  
風流柳色但牽情  
長飢頻覺帶移眼  
大笑何曾冠絕纓  
北極朝廷今咫尺  
穰穰寇盜莫相驚

二月十五日遊謝村福田院觀涅槃會寺乃靈

運故宅呈道祖

年來生計一輕舠  
晨出晡歸豈憚勞  
謝客兒山存勝致  
佛泥涅日往遊遨  
波間星斗沈光冷  
月裏山河結影高  
何日菁山山上寺  
與君痛飲讀離騷

天寧節感事示寶華鑑老

詔語從天下九圍  
並嚴法會保宸闡  
山稱萬歲誠尤切  
鑑奉千秋事已非  
已聽鸞音勤請祝  
故應龍輅慶遙歸  
孤臣拭血懷君處  
小笠峯前淚滿衣



和西郊春事招元方同遊韻

仙橋水殿照清流，攘攘遊人聚九州。  
光景從來夸輦轂，風標況是富陽秋。  
天開卯色春方好，月上弓形夜更留。  
勉作新篇書盛麗，莫令少味似韓休。

和元方用韻見寄次韻奉謝兼呈元東詩二首

人與嚴徐是一流，英英儒雅冠吾州。  
白虹吐燭呈文夜，紅杏飄筵得意秋。  
祿薄未應腰為折，語多共歎舌無留。  
令君舉善搜寒俊，不進清華諒不休。

文律高峯與激流五言佳處似蘇州寧甘肅縣中瀉酒  
不羨宣城賞爽秋白首同歸相器重青雲一蹙豈淹留  
外家門閥期君大作德雖休更勿休

追賢院食已度嶺歷宋胡諸庵轉山夜歸

擊缶那能似漆園銷魂來訪小桑門仰衝雲陣尋峯頂  
細步泉流覓水源九里環觀山向背兩輿歸趁月黃昏  
春風不識愁人意柳暗花明自逐村

定山寺

入門松桂拂天長遣化誰來自衆香初剪巖薇豐采把  
半殘桃杏露花房不辭峻極猶登踐免使幽尋墮渺茫  
原注欲遊此山中止者屢矣聞有山人宅巖頂試從度世覓神方

章申公墳寺

千章宰木蔭長城申枉行頒寵數新金薤文華才冠世  
銀鈎字畫品稱神佳城此日看馴鹿文保當年想夢麟  
定有玉璫傳後裔投竿端自渭城濱

讀史二首

祖尚浮虛事漆園生平園府不曾言神峯峻若瑤林茂  
手色全如玉柄溫翊輔但求三兔窟風流空擅一龍門  
季年喪國排牆禍綺靡諛言可得存

曾侍東皇採紫芝竭來西土宴瑤池藻翁梁上休繁役  
灰劫池中認遠期數木故應煩鬼子竊桃那免號偷兒  
蒿廬不愛深山卧避世金門世孰知

與工部兄通歲離多會少又樂少苦多迷懷

並寓僧藍得幾時

原注同寓家太平  
某數日即赴官

薄遊苔雪遽睽離

一麾為郡乖同濟

原注兄守琅琊某守南陽本約同途後以事參差

百謫還鄉

獨後期

原注親友皆罷官歸鄉某留南陽數月方歸

第隔東西希聚首

原注相去

正東與極西

憂連宗戚罕伸箸

原注到鄉遭排岸姪之戚繼有子崇之喪

何時解

組俱林下松菊園寬日共窺

和工部兄遷中散述懷韻

一歲連膺四命書  
衣冠慶美近時無  
綿長本自天資厚  
憑藉由來地勢孤  
襟被昔高蘭省去  
彩纓今喜棘班趨  
立言制行俱忠孝  
豈愧堂堂七尺軀

寄獻中散兄生辰

吉月迎秋萬寶成充閭瑞氣降耆英  
粉榆社裏藏身穩

桐柏宮中庀職清

原注今崇道觀  
即唐桐柏宮

黃髮定應驚再少絳

田端自保長生壽觴親薦猶彌月  
歸夢馳誠栩栩輕

次韻大資節使薛公見貽二首

黑頭自致已三旌暫寄江湖適性情  
五總龜遊欽學富  
九臯鶴立見神清西雍魯累飛章薦  
東閣頻蒙倒屣迎  
方幸台躔照苔雪以茲投劾未能輕

劇談世事邇來慵時向烟波掉雪蓬德業未嘗矜久大  
光塵惟曲示和同十年輔政裨元化萬國賓賢振士風  
敢請中興重作頌衮衣不日見歸公

依韻和薛大資將往仙潭

久向巖廊侍禹湯歸身丘壑興尤長東阡方幸陪遊樂  
南浦難輕送別傷欲以中經諮詁訓更將奇字問偏旁  
勉留衮烏輝山郡不日天書下寵光

次韻林茂南祀喜雪二首

膜拜同祈海岸仙風雲奔走會諸天山巖恍若龍銜曜  
墀廡頻驚鶴奪鮮莫訝瑤英來有信都緣玉燭氣無偏  
化工應念催科拙乞與穰穰大有年

吾僚齋禱極精誠俄見聯翩舞玉霙逞巧封條危不墮  
弄閒飄幌細無聲傾都奇貨歸王老侵戶寒威賴麴生  
天念春回惟七日故教連夜赴嘉平

僚佐再和復作二首

雅步誰追鶴氅仙峭寒真是酒家天謝庭最愛因風起



桓扇曾書遇象鮮遠覺歸巢禽翅重靜看當檻竹枝偏  
三吳此景宜增賞飄瞥郊原似昔年

從來愛雪是真誠又見祥飛六出霏材薄敢招能賦客  
庭閒聊作詠詩聲瑤階誤向凡間見春蘚翻驚臘裏生  
賀板並來無答語自慙詞筆太平平

次韻中散兄及諸弟寄顧渚茶二首

茗溪溪上一茶神三表遺經品藻親輕拂競看雲態度  
初嘗應慙古根塵草堂遙憶金沙水

原注草堂有金沙泉君謨愛而名之

花瀨聊分紫氣春

原注事見陸龜蒙詩

尤物從來常貴少彭城園

外即非真

原注顧渚今出劉希範叅政家

健步蒼頭捷若神露芽三日到情親輕甌延喜凝珍玉  
小磴鄰虛墮細塵便好相招十日飲莫教虛負一年春  
慙慙後訊當重餉月六齋時供應真

哭衛卿弟三首

搖毫射策逐羣裾獨以高名唱玉除

原注廷試第六人

五斗拋

來為詩酒三餘收得向樵漁固存夙悟無生理永訣親

裁忍死書晚歲異鄉成一慟大紅親破茂紅練

遠業相期未易量那知百歲似風狂鵬來有恨催新賦  
鵲往無醫識禁方鄰笛他年那忍聽人琴此日遂俱亡  
長空後夜西風急吹斷驚鴻不作行

高材磊落氣崢嶸命薄難將智力爭赤米白鹽生理窄  
紅蓮綠水宦情輕曾期虛閣憑欄醉不遂扁舟適野迎  
原注約赴汝已反真歸大化山城空慟十年兄  
調見過

曾夢良傳惠然見存出示詩十有七篇偶據所

遺成三篇紀謝

未有歸資可買山一封程奏便求閑  
睢睢去後容爭席碌碌着來肯抱關  
幻界已知都是夢真心自要識無還  
尊前袞袞聽名理坐遣窮愁一破顏

清明時節訪溪山消盡機心大智閑  
元亮孤舟聊自棹尚平家事不相關  
叩門雖幸千金顧戀德翻嗟半日還  
並水幽亭同歷覽應憐瓢飲政希顏

居然埋照向窮山誰識龍媒伏帝閑  
意氣雖吞雲夢澤

功名未羨玉門關，身常靜退緣知止。  
心不傾邪畏好還，但恐搢紳公論在。  
招延行見覲威顏。

中散兄喜罷郡有詩次韻却寄

上印歸來卧華門，此心炯炯向誰論。  
平生疎拙真天賦，此去安閒盡主恩。  
舊識愧真為我累，近知凡百喪吾存。  
原注一作幻體尚知非  
我有浮榮何足喪吾存好來同習菁山隱，  
白髮仙臞兩

弟昆

次韻中散兄見寄

晦迹纔須一畝間，浮家暫寄五湖邊。  
官拋印綬輕千里，祿隱漁樵已十年。  
眼對雲山偏爛爛，腹藏篇牘自便便。  
政緣欲遂幽棲樂，豈是清時獨棄捐。

次韻錢仲仲紳見貽兼送別二首

四年五度訪郊村，苜蓿稀不厭貧清。  
韻喜逢鬚展戟，奧篇仍覩筆書銀。  
一筇巖壑幽棲地，五兩江湖自在身。  
他日願陪雞黍社，貴鄰應不買增珍。

郊居牢落似東屯，剝啄欣聞客叩門。  
筆下波濤文貫道，

月中瑜瑾學逢源西余未遂詣清賞南浦俄驚黯別魂  
金菊萬株秋露重此時重復望來轅

題寄仲仲先塋瞻雲亭

銜哀負土記當年白首來臨涕泣然宰樹成行無鹿觸  
佳城卜吉自牛眠已乖緣服親嘗膳猶幸綸封數漏泉  
反顧雲飛頻悵望孝誠寧愧斗南賢

喜中散兄將至

兩年僑寓為知音百指仍攜就泛金蠅集樹榛曾掣肘

魚傳尺素喜回心無邊紅芰邀同醉不盡青山得共尋  
白首居諸良會少對床免被別愁侵

次韻中散兄將到先示詩

雲山佳處復躋攀景物依然得破顏春事闌珊三月尾  
時光荏苒七年間重來懷紱成何事歸去抽簪幸有山  
且盡一杯今日樂投林飛鳥會知還

次韻中散兄喜雪二首

林薄風號兩日先俄驚剪水墮遙天坐看山路禽飛絕



聊勝泥塗馬不前  
輕點紅爐呈妙意  
斜飄素髮映衰年  
寒雲與我官同冷  
莫笑柴扉日晏眠

縹緲山頭白最先  
模糊雲物變吳天  
陸機玉園無精獮  
王衍瑤林滿後前  
酒漲微瀾宜永夜  
麥翻翠浪看明年  
曉晴便是春消息  
梅萼包香柳欲眠

次韻中散兄二首

泉石清遊一月間  
風輕氣爽未驚寒  
唱經雲岫頻清梵  
佞佛爐烟費紫檀  
震澤魚肥聊獨酌  
包山橘熟阻同看

歸來頓識南宗髓，曾見彌天釋道安。

遍遊湖寺棹舟還，重理殘書逼小寒。  
衰鬢迎風似蒲柳，貧爐無火取槐檀。  
毫銖利祿回頭笑，翻覆人情洗眼看。  
癡鈍老人堪底用，故應衡宇自偷安。

友卿弟見和復賦二首

歲律崢嶸又欲還，鳴條風急作清寒。  
菊英媚日猶呈秀，梅蘂包香未吐檀。  
江水過門兼汐到，鄉山當面帶雲看。  
是身已覺都無事，只有空飡不自安。

門無雜客往仍還  
趺坐澄心定水寒  
清淨苦嫌千日酒  
蕭閒惟事一鉢檀  
眼中金屑全無用  
髻裏明珠得自看  
作止更能除任滅  
已無禪病自輕安

次韻維心二首

蕭衣無柰客愁多  
日飲那知酒有戈  
松徑崎危羊石卧  
筠筒屈曲虎泉過  
懶尋丹竈山名葛  
且供禪龕人姓何  
共看今年龍集酉  
穰穰蕃熟慶時和

側席求賢歲又除  
如君德盛孰儀圖  
軼材共仰人之傑

讜議懸知帝曰都豈有簀中終去魏未妨廡下畧居吳  
蒲輪不日來徵聘禪句休誇雪點爐

次韻葉少協夢齡泛舟

水風斜日愜新晴初解銅章病骨輕遠寺藏烟增晝靄  
寒峯帶雪更鮮明尋幽屢辦揚舠出辱訪慚乖倒屣迎

原注少協寵顧  
以出不果迎

煙艇遙遙逐鷗颺淵明從此得浮生

寄題拙臺

講罷公堂得少休下簾清興與天悠書空怪事知無益

為圓機心逝不留四至九卿空士笑一當萬乘豈人謀  
先生獨有摛詞巧奪盡人間重錦裘

和小室韻

一味伽那已默傳隨機任運且忘年翻經不落摩騰後  
成佛仍居謝客前教海就舟方見聖宗門得髓始通禪  
蕭齋一炷寒沈水了盡因緣與自然

次韻朝隱招飲二首

千古興亡馬食槽醉鄉真可寄廉高功名戲事何須掛

富貴危機詎肯饗幸有碧簫消暑溽休誇白墮執逋逃  
牢愁滯恨知多少準擬都將付濁醪

何須邏迖響檀槽獨喜杯中酒浪高芟實深酌屈到嗜  
鱸魚仍足季鷹餐加籩疊疊情尤厚醉舞傲傲罪敢逃  
我亦頭巾漉家釀明當相速醉芳醪

招中散兄飲

飄零羈旅苦摧顏旬日希逢笑口開爐冷難施文武火  
氣寒聊雜聖賢杯牛鳴地去無多遠羊胛熟時宜便來

聞說家山動歸興  
預愁疊鼓起高桅

次韻卿任賦立春

陽和協氣起寒灰  
席上清歌聽落梅  
煖逐日華驚歲換  
夜占天象覺星回  
書籌屢點蟾蜍硯  
命酌連催鸚鵡杯  
顧斂春祺錫黎庶  
熙熙一鏡似登臺

次韻道祖賦立春

崇華韡韡綺筵開  
何用三行粉面回  
金鴨香殘知漏永  
土牛色重喜春來  
飄飄著樹狂欺柳  
剪綵裝花巧鬪梅

俛仰光陰驚歲換誰將藍尾更銜杯

喜晴

補陀香供走人天赴感隨緣舊所傳霖雨方憂困桑戶  
晚晴俄喜賦樊川階庭旋見收黃潦齋壁何因上綠錢  
多謝化工哀老子遨遊不復更祈年

陳朝檜

拏雲老檜欲千春幾閱人間旦復曛風裏樛枝喧過雨  
月中清影碎流雲蟠根不顧郎官谷聳榦宜叅君子軍



須信英靈神物護頻經兵寇惜揮斤

春晝偶作次元述韻

屏居岑寂似禪關顧笑初無素與蠻畫棟差池曾識燕  
綺窓蔥翠舊遊山時危謾自懷頗牧境靜聊欣接尹班  
二紀家園逋細履身閒今得一時還

次韻元述

漂泊身如不繫舟芙蓉湖上懶回頭干戈時幸逃新鬼  
巖壑人能識故侯已覺功名真破甑却驚歲月甚奔流

仙庭五載空浮食恩重丘山豈易酬

即事

五載投閒隱薜蘿眼看時事只悲歌家貧不畏鬼來笑  
世變難教佛柰何髀肉生緣癡坐久帶圍減為客愁多  
他年莫忘菁山寺百口啼飢兩鬢皤

青雲那肯羨雄飛前料山邊習遁肥名教固應多樂地  
賤貧聊幸脫危機蘊無萍韭何妨醉羹有菰蓴自合歸  
格外一官垂欲滿便從神武挂冠衣

諸公衮衮上巖廊濟世無能分退藏所止先名大隱洞  
平生本望祕書郎畫成顧失一卮酒箭蹶空穿百步楊  
幻界光陰凜無幾養生從此學長桑

村人寫予像即景山飯道僧祈禱為會頗盛

單車去位五年強初乏恩襦庇一方大姓殷勤攜老稚  
精藍祈祝飯緇黃此時美稷勤邀迓他日桐鄉必奉嘗  
為報庚桑相俎豆不如道術永相忘

除夕郊居書懷

晚塗蕭颯寄漁樵夢亦無因到上朝書在床頭脫復看  
客逢野外偶相要敢嗟祿薄難餬口大勝官廩每折腰  
六十七年明日是亦逢村釀也浮椒

次韻德升頤軒書懷

煙霄飛步欲青春未信論甘肯忌辛三仕固應無喜色  
一鳴今復見驚人射如闕尹方知中畫若元君始識真  
早晚奏篇來拭目清塗聊為洗荒榛

次韻中散兄慶立方賜第

兜曹春榜預言揚竊吹知難服士鄉黃絹未能搞好語  
青氈偶幸繼前芳穿楊喜共東床客攀桂同標北寺房  
原注鹿苑寺以其  
肄業堂榜曰雙桂聖世選材如華嶽積塵曾不棄毫芒

次韻邊公明知常放魚

小鮮無數命臨危邂逅雲莊擴大悲臣浸何勞長者水  
親臨尤勝校人池依蒲俯視還真樂貫柳充庖那復知  
圉圉介鱗俱得所道人因得一伸箸

次韻顏孝立天經同年

亦識韶華不肯留時危那更事嬉遊羈懷不辦愁花雨  
空廩惟知望麥秋顧我端憂宜燥吻如公無事合扶頭  
麴生漫助齊肴餉清洗錢塘兩玉舟

和必先龍圖謝酒兼呈沈次律

瑄中大學士

臺閣高賢卧里門清揚乖隔阻寒溫尚賒宴豆陪三雅  
聊即烟郵寓一尊亂後官居同幕燕春來香味憶河豚  
溪亭午夜銜杯處應對梅花淡月昏

贈史德謙

不入城閨已十年足音何幸聽  
楚然杯觴共樂三更後  
書史相從一世前烏倦尚飛  
慚我老鴻冥何慕覺公賢  
錨銖得失何須算聞健惟當  
數擊鮮

贈鮑欽止

慎由

二首

錦窠朱紱亦何榮  
辭劇求閒責自輕  
聊喜青葱供俯仰  
未應紅腐較奇贏  
久知飛鳥有真意  
誰信鳴雞非惡聲  
只恐朝端闕司隸  
又將斂手避威名

紅塵袞袞厭朝班  
官寺深藏洛尾灣  
識擢早驚郎位峻

招尋今見水仙閒高標自置羲皇上俗眼從教季孟間  
倉氏一官寧久困禁途供奉政才難

挽致政奉議魯公壽寧歌詞

脩然丈室老維摩不媿家聲舊曲阿事閱七朝推壽俊  
慶鍾六子半文科白蓮入社塵緣息朱紱通閨聖渥多

空唱已聞生淨域可須薤露起悲歌

原注南史庾詵傳  
詵且終家人皆聞

空中唱云上行先生  
已往彌陀淨域矣

張子蒙令君挽歌詞二首



賦歸州里半年間豈料循題哭二難  
屢薦嘗為趨幕客  
數奇終困字民官清談竟日師夷甫  
寢瘵連年痛士安  
身後華名知不朽幾多墨妙翠珉刊

文義游從四十春艱難契濶見情親  
少年漣上初傾蓋  
末路雲陽擬卜鄰萬室謳吟依愷悌  
一生志氣負經綸  
渭陽豈特兒曹慟老送佳城淚滿巾

大卿表兄莫公平砥挽歌詞二首

露奏求閒猛挂冠忽驚卿月墮雲端  
中年屢攬澄清轡

末路堅辭矍鑠鞍自卜壽藏松已拱親裁幽刻墨方乾  
映溪清遠樓前月後夜登門忍獨看

游從五紀荷勤渠白首來依雪水居郡閭箴規言有補  
家林書疏月無虛方期老驗長桑藥忽見神升廣柳車  
兄弟同時封吉壤不堪清淚屑衣裾

先兄中散挽歌詞四首

昂昂鶴骨素康彊微疾生朝罷舉觴尚冀魂隨香釜反  
那知人逐綺琴亡禁方不驗三茅洞

原注兄就醫於三茅沈師

遺墨

空留二老堂

原注其結屋青陽與兄日夕同處號二老堂

從此幽棲風雨夜

一翻姜被一淒涼

德與才高位不酌大鈞杳默向誰尤剖符政化傳沂水

握節威名振宛丘心悟三乘真合覺

原注兄結四方印而逝

學該

九域獨推優

原注兄在京東進九域圖志為諸路之冠特進秩一等

鴈行影拆元

龜喪淚洒西風不忍收

粉闥當日正逢辰興在滄洲猛乞身袖手旁觀真得計

急流勇退更何人翱翔詞館全無累笑傲丘園不計春

鼎鼐百年均此路惟公達識覓誰論

流年八袞慶初開駒隙那知二豎催書聚五車緣嗜學

家徒四壁為輕財幻身夢蝶自云適曲路增蠅何處來

原注兄為平貨之屬大閹欲以大勅特薦改官兄辭焉

深恨滯留睽屬續此生賁

恨在天台

原注今春欲歸省適先往天台期以秋歸遂不及見

### 哀範卿學士弟

萬卷宵中學已優安恬當向古人求有財謾說駒千里

此路何殊貉一丘儒館芸香今寂寂親闈芝檢竟悠悠

懸知簫鼓江村路茂栢深松結暮愁

楊彥安植大夫挽歌詞

英猷卓躒世無多用不酌材可柰何  
庀邑頌聲空製錦  
阜財智算謾熬波  
鱣堂積學家傳慶  
蟾窟登榮子繼科  
下里有車催遣奠  
上池無藥起沈痾  
心期於我勤知過  
肺腑從公久切磋  
十載飄流隔生死  
東風吹淚寄滂沱

